

84(543)  
0 55  
Отепбөрөн Элүүмүндердөй

# Алла Дауысбы

4 2015.

Хан 48 2023

Отепберген ӘЛІМГЕРЕЕВ

ДАЛА ДАУЫСЫ

*Өлкетанушы жазбалары*

351604 аб

Ф. СЛЯНОВ АТЫНДАҒЫ  
ОБЛЫСТЫҚ ФЫЛЫМИ  
ӘМБЕБАП КИТАПХАНА



“Арыс” баспасы  
Алматы  
2003

ББК 84 Қаз7  
Ә 55

Басылым Үлттық Фылым академиясы Ә.Х.Марғұлан атындағы  
Археология институтының Батыс Қазақстан экспедициясының  
қолдауымен жүзеге асырылды

Ә 55 Әлімгерев Ә. Дала даусы. *Олкетанушы жазбалары*. — Алматы:  
“Арыс” баспасы, 2003. — 72 бет.

ISBN 9965-17-089-4

Белгілі журналист, өлкетанушы Өтепберген Әлімгереевтің жаңа  
енбекінде Атырау, Маңқыстау өнірінің бұған дейін зерттелмеген  
кейбір археологиялық орындары жайлы әңгіме болады. Сарайшық  
каласы, тым ертедегі Қызылүйік гибадатханасы, Тоқсанбай тұрагы,  
Иманқара басындағы қойылымдар, Араптөбенің алтын адамы, Есік  
пен Берелден табылған гажайып мұралар — тарихшылар, әсіресе,  
археологтар үшін соны жаналық. Бұл туралы аталмыш кітапта жан-  
жақты сөз етілді.

ББК 84 Қаз7

Ә 4702250200  
446(05)-03

ISBN 9965-17-089-4

© Әлімгерев Ә., “Арыс” 2003

## ҚЫР ХИКАЯЛАРЫ

Белгілі археолог, талай шетелде боп, немістер, француздармен әлденеше бірлесе жұмыс істеген Зейнолла Самашев өуелден құлық, көленкемен күн кешпүте жарапмаған жан. Бірде ол әңгіме үстінде: “Егер құдайшылығына келсек, Атырау жері әлі археологиялық жағынан зерттелмеген тың өлке. Галымдардың аз-мұз ізі қалса, тек Сарайшықтағана, қалғандарының бәрі жылы жабулы, көбесі сөғілместен жатыр”, — дегені бар еді. Бұл мені көп ойландырыды. Аз ба, көп пе, осы өлкенің өлгендерін зерттеуге, өшкендерін тірілтүге үлес қосқаным рас. Мүмкіндігіне қарай сөз еткен кейіпкерлерімнің бейіті болса, басына барып, жатқан жерін көруге, тәуап ету, ағайын-туыстарымен сойлесуге тырыстым. Сойтсем, Атыраудың ой-қырында мен көрмеген, сөз етпеген батыр, ақын, өнер санлақтары кемде-кем екен.

Алайда, мұның бәрі көне болғанмен археология емес, сайрап откен бұлбұлдар, қол бастаған көсемдер, сөз тастаған шешендер, солар жәйлі әңгімелер ғана. Ал, археология дегеніміз не, археолог деген кім? Шынымды айтсам, бұл бұрын-сонды араласпаған, тіпті сойлесіп, сырласпаған ғылымым, адамдарым. Тіпті олар кімдер еді деп іздеп едім, мен туған өлкеде ондай мамандық иесі де жоқ екен. Керек десеңіз, осы өлкеде тұып, басқа жерде еңбек етіп жүрген жандар да кездеспеді. Біреулер қаламызда қашаннан бері тұратын В.К.Афанасьевті айтып еді, оның өзі де бұл ғылым десе бар-жогы жүргегі ақ, қызығушы ғана екен. Сонда маманы жоқ өлкенің марқайған археологиясы, марапаттайтын мұрасы қайдан болады. Кісінің кісісі қашаннан халқымызда айтатын “Біреудің малын біреу ысқырып жүріп іздейдінің” керімен жұмыс істемей ме?! Жә, ол бүгін болмаса ертеңін ісі. Барды бажайлау, жоқты толтыру – агалар ойланатын, кішілер қолға алатын шаруа. Тек соны ұмытпайық.

Менің басыма осы Самашев сынды археологтармен ел, жер көріп, барды бағамдап, көргендерімді көпшілік алдына жайып салсам қайтеді деген ой келді. Бірақ оным тағы да археология

емес, сапарнама ғана ғой, онымды жұрт қабылдай қойса. Дегенмен...

Сонымен әлгі айтқан Зекең жұмыс істеп жатқан Білім және Фылым министрлігі – Республика Фылым академиясының Ә.Х.Марғұлан атындағы археология Институты Батыс Қазақстан археологиялық экспедициясы құрамында тұған жер қойнауына барлау жасау үшін жолға жиналдым.

Күн жексөнбі еді. Кәдімгі қоңыр күздің мизам шуағы мөлдіреп, төгіліп тұрган шақ. Құрамында аталған экспедицияның жетекшісі, тарих ғылымдарының кандидаты З.Самашев бастаған бір топ ғалым мамандар және республика Фылым министрлігі – Фылым академиясы Батыс Қазақстан бөлімшесінің Ғалым Хатшысы, республика Жаратылыштану ғылымдары академиясының толық мүшесі Е.Филаев, мәскеулік археолог Л.Л.Галкин, барлығымыз 14 жан боп, үш автокөлікпен ұлы бесінде Атырау-Күлсары бағытында жолға шықтық. Мақсат – Жыл сайын бойындағы көне тарихи орындарға барлау жасау, Үстірттің үсті, Сам құмының терістігі, Шошқатау, Борсық құмдарына шейін иек сүйеп, көне орындарға коз салу еді.

Екіндінің алакеуім тұсында Бекбikenің сусыған ақ шағылына жеттік те, тұн ішінде бір қауым ел боп, Құлсарыдан не пәтуа табамыз. Кім бізді құдасындағы күтіп, қызыл құырдағын күтіп, ұсынады. Одан да осы жерге ат байлат, бел шешейік деген шешімге келдік те, шатырларымызды құрып, қазан көтердік. Жұлдыздар жымындаған күзгі кештің ошағында жынғыл шоғы маздайды. Біз содан айнала отырып, әнгіме тиегін ағытамыз. Алғашқы таныстық, сіз...біз...

Тегінде, экспедиция басшысы Зекең болса, табиғатында басшылықтан ғөрі істің, оңаша ойлап, дәл пішетін ғылымның адамы. Ал мәскеулік археолог Лев Леонидович дегеніңіз әуелден жалғыз жүріп, жатақ есken, бірак әйтеуір археология болса, сол бағыттағы жаңалық атаулы кездессе, ештенені жапырып, бірденені бітірмесе де жарғақ құлагы жастыққа тимейтін елгезек жан. Әуелден керек тастың ауырлығы жоқ деп, кездескеннің бәрін қалтага тығып, қарқылға басып жүре береді және бұнысы көп нәрсөні жуып, шәйіп кете баратынға үқсайды. Бір қызығы шопырларымыздың екеуі өмірдегі дүрдей бастық, бірі –

жоғарыда айтқан, Фалым хатшы Есенғали да, екіншісі – облыстық теледидар және радио хабарларын тарату компаниясы төрағасының бірінші орынбасары Болат Нұргазиев. Ол сонымен қатар телеоператор, көрген-білгенінің бәрін бейнетаспаға жазады. Бірақ, қызметті біліп жатқан ешкім жок. Жүргізуші өз қызметі, археологтар да өз жұмысымен әуре.

Далалық қоже, қоңыр шәй. Қарны тойған жігіттер өз шатырдарына кіріп ап, үйқыға кетті...

Жерге жарық түсे аспазымыз Марина ертенге ас қамына кірісіп, жүргізушілер машиналарының моторлорына үнілді. Ал Зейнолла болса, орнынан тұра сала басын төмөн салған күйі түзге беттеп, тепендер ала жөнелді.

Арада аз уақыт өткенде шәй де дайын бол, дастархан басына жиналдық. Кештеу келген Зекең суыртпақтап сөз бастады: “Асылы біз осы арада өлі де жарты күндей аялдайтын шығармыз. Өйткені мұнда неолит және энеолит дәуірлерінің ескерткіштері мол еken. Бағзы тұрғындардың пышак, қырғыш ретінде, садақ масактарына пайдаланған тастар, керамикалық ыдыстар сынығы да бар”, – деп еді, манадан бері үнсіз отырған мәскеулік археолог “Не дейді, өз басым мынау меніреу даланы аралағаныма отыз жылға тақап қалды. Бірақ осы кү медиенде алты мың жыл бұрын адамдар тұрды деп есептемеуші едім. Бұл – жаңалық, ғажайып жаңалық” деп алдындағы кесесін ысыра салды да, ерте қозғалмаса бәрінен құр қалатында тұра жөнелді.

Археолог дегеніміз қандай мамандық еken деп, кешеден бері ауыз ашып жүрген біз, орындарынан ошарыла қотерілген сапарластарымызben бірге, ниет құбыла, ілесе кеттік. Арада аз уақыт өткенде Лев Леонидович алдындағы ақ тақырға 20-30 тас шақпақ пен керамика ыдыстар сынықтарын жайып салып, өзіне өзі “Жарайсың, Арыстан ибн Қарға! (Лев Галкинді қазақшалағаны) Бұл үлкен қуаныш” деп мәз болды.

Оның пайымдауынша неолит дәуірінде бұл өнірде мал шаруашылығы мен аңшылық кәсіп жақсы дамыған. Ал археолог Ойрат Ишманов болса “Шындығында мына жерде тек неолит емес, сармат, савроматтар кезеңінің де жәдігерлері көп. Прохор, сүслов, сармат соңы кезеңі деп үшке бөлінетін сарматтар дәуірі біздін республикамызда бар болғаны бір-ақ процент молшерінде

зерттелген. Ал Бекбике соған қосылған соны жаңалық” дейді.

Осы арада Зекен де қарап қалмай “Айтса айтқандай, бізде басқа сала сынды ғылымда да кеше, керек пе, бүгін де тоталитарлық өпіремдік болды, әлі де бар. Оған дәлел ТМД-дан басқа елдердің бәрінде де қандай ма өндірістік құрылыш басталmas бурын сол жерде алдын ала археологиялық зерттеулер жүріп, жердің қабаттары ғылыми түрғыдан тексеріледі. Содан кейін ерекше белгілер байқалмаған жағдайда ғана құрылыштар жүргуте мүмкіндік туады. Ал бізде ондай зерттеулер әлі күнге болған емес және жуық манда болмайды да. Оның жарқын көрінісі мынау емес пе?” деп мұнай құбырлары тартылған тарамтарам тұрбалар арасында шашылып жатқан адам қаңқаларын көрсетеді. Сайып келгенде осы қаңқа – сүйектердің өзі тарих толған сыр. Мүмкін ол неолит дәуірі болмас, бірақ кай дәуірдің болса да сырын ақтарар еді-ау. Әй, бірақ оның бәрін түсінсек, әрқайсымыз археолог болмас па едік?!

Осы кезде топографтар аталған аумақтың аэрожоспарын жасап, картага түсірді. Фотографтар қолға тигеннің бәрін суретке басып, ал археологтар ондаған қалта шакпақ тас пен керамика сындықтарын олжа көріп, атқа отырдық. Бұл дәл сиыр сәске еді.

### ШЕЖИРЕЛІ ИМАНҚАРА

Ендігі бағыт – Күлсарыға таяп қалғанда терістікті бетке алатын күре жолмен Иманқара тауына жету. Ол әлгі айтқан айыр жолдан бар-жоғы алпыс, ал дәл осы арадан жұз шамалы шақырымда.

Иманқара – жергілікті тұрғындар тау десе де, теңіз деңгейінен 200 метр биіктікте орналасқан өркеш-өркеш жоталар шоғыры ғана. Ол ондаған шақырымнан мұнартып тұрса да үшінші-қиырсыз емес, бары екі-ақ километр. Әрине, мундай жотаға көтерілу де киынға соққан жоқ, үш қолігіміз де тас төбеге шауып шықты. Терістік беткейдегі қоныр жотадағы көне қорғандар түбіне тізгін тартып, бел жаздық.

Осындайда ойға откеннен жеткен көне жазбалар оралады. Онда анау Алтын Орда дәуірінің жиһанкездері Хиудан Беркес сарайға бет алғанда осы Иманқарадан Қайнарға құлап, Қайнардан

Ақтөбе, Сарайшық арқылы жүзбелі көпірден өткендерін еске алмаушы ма еді. Ендеше бұл Иманқара сонау XIII-XIV ғғ. бар және арғы-бергінің аялдаپ, керуен кідіртер бекеттерінің бірі болғаны сөзсіз.

Аталған экспедиция 1989-90 жж. осы арада қазба жұмыстарын жүргізіп, біраз жайларға қаныққан екен. Соңдағы үлкен олжа – мұнда тым ертедегі, яғни жоғарыда айтқан савромат дәуірінде жерленген молалардың (үш аланқайға орналасқан) орны табылған. Олардың жалпы саны 40-қа жуыктайды. Орналасу дәстүрі жағынан Орталық, Шығыс Қазақстанда көбірек кездесетін “мұртты” қорғандар дәстүрі мұнда да бар. Аталған жерде сегіз қорған орны қазылып, зерттелген. Соның бірі үш қабатты мола. Оның астыңғы қабатында садақ жебесінің 19 үші (масақ), бас жағында қойдың артқы жарты денесі де, әйел мойнынан моншақ және аяқ жаңынан әлгі қойдың алдыңғы денесі табылған. Археологтар тілімен айтқанда мұның көптеген сыр-құпиялары бар екен. Әрине, біз оқырмандарымызға туған жердің әр жәдігерінен ғылыми емес, жалпы түсінік беруді мақсат етіп отырғандықтан, олардың бәрін зерделей талдауды қажет деп таппадық. Бірақ осы қорғанда жерленген адамдардан садақ оғы (бір таңданарлығы олардың бәрі де тек 19 данадан), сондай-ақ қола айна мен шыны моншақ, қыш күмыралар табылып, олардың бәрі де шамамен біздің эрамазға дейінгі Ү ғасырда өмір сүрген адамдар және соларға тән заттар деген тұжырым жасалынған. Аталған бейіттердің қай-қайсысы да таудың ең биік жеріне орналасқан да, олардың қабырғалары әрбірі 60-70 килөлік темір тақылеттес дәү тастармен өрілген. Ерекшелігі бұл жерге маддың ізі түгіл, құм борауы, шағыл басуы мүмкін емес. Содан да болар, олар әлі де ондаған мың жылдарды мұрты бұзылмай қарсы алар түрі бар.

Бұл – Иманқараның археологиялық ерекшелігі. Ал осы таудың күнгей батыс етегіндегі жасанды үңгірлерді көрсөніз – тағы бір таңданып, ойға батарыңыз сөзсіз. Өйткені бұл үңгірлердің дәл қай жылдары қазылғаны белгісіз. Біреулер ғасыр басында ағылшын мұнайшы-геологтарының панарап, зат сактауы үшін өзірленген десе, тағы’ біреулер тіpten басқа жорамалдар

айтады. Ені 2,5 метрден 12 метр терендікке баратын екі дәлізді, бес бөлмелі бұл үнгірге 1944 жылдың мамырында Ағаев бастаған немістердің диверсиялық десанттарының өз заттарын тыққандықтары белгілі.

### ЖЫЛЫОЙФА ТУСКЕН ДЕСАНТ

...1944 жылдың көктемі Кеңес Армиясы үшін қанша қызын, қатерлі болғанымен жеңіссіз емес еді. Күн откен сайын жаудың беті қайтып, фашистердің кеңес жерінен аластатылып жатқан кезі. Бірақ герман армиясының қарсы барлау мекемесі мен шпиондық орталықтары қарал қалмай, кеңес тылында арандату, қастандық жұмыстарын жүргізіп отырды. Сонын бірі — мамыр айының 2-нен 3-іне қараған түні осы күнгі “Жаңа таң” өндірістік кооперативі өніріне жаудың обер-лейтенанты Әлихан Ағаев (бір кездегі атты өскер болімшесінің командирі, Мәскеу тубіндегі ұрыстар кезінде қолға түскен, шын аты-жөні Тілеумагамбетов Әмірхан, ал шпиондық диверсиялық жұмыста Ағаев, Иранов деген бүркеншік атпен жүрген) басқарған он төрт диверсант парашютистер тобының түсүі еді.

Аудан қолемінде бұл оқиғаны алғаш байқаған Косшағыл қасіпшілігіндегі ашық мұнай қоймасының өскери күзетшісі Иманәлі Бозтаев болатын. Сол кезде бар болғаны он жеті-ақ жастағы балаң жігіт бейуақытта аспан төсінде кокпеңбек бол жүзіп бара жатқан “жұлдыздың” жәй нәрсе емес екендігін сезеді де аудандық ішкі істер болімінің жауапты кезекшісіне және милиция болімінің бастығы Тотай Декеевке телефон соғады. Таң атуын күтіп, тағат табатын шақ емес Т.Декеев тездетіп кенсеге жетсе, жауапты кезекші аудандық ішкі істер және мемлекет қауіпсіздігі бөлімдерінің бастықтары Хамза Шоқанов пен Петр Лукич Кочинге де тосын хабарды айттып үлгерген екен, олар да келіп қалыпты. Үшеуі сол бойда облыс орталығына телефон шалады. Ондағы қырағы көз жандар да түн жарымында батыстан шығыска қарай коктейл откен бейтаныс ұшактың баржоғы 2-3 сағатта келген бағытына қайта оралғанынан хабардар болып шықты. Шамасы, немістердің диверсиялық десанты болуы мүмкін. Себебі, мұндай күдіктің де жаны бар-ды. Бұған дейін осы облыстың Теніз, Новобогат аудандары мен Орал өніріне түскен арандатушылардың мәлімдеуіне қарағанда кезекті топтың Жылъой,

Қызылқоға аудандары өніріне де түсірілу үшін әзіrlenіп жатқандығы айтылған еді. “Ендеше тез арада аудан орталығынан оперативтік топ құру керек те Құлсары мен Ұялы ауылдық кеңесі бағыттарына аттандыру керек”, – деген бүйрық болды. Осы мезгілде Гурьевтен облыстық мемлекет қауіпсіздігі басқармасы оперативтік бөлімі бастығының орынбасары К.К.Шармай бастаған топ та алыстағы ауылға асыға аттанған-ды.

Бұл шақта жогарыдағы орындар құдіктенгендей Ұялы ауылдық кеңесінде де айтартықтай жаңалықтар бар еді. Ең әуелі сол кездегі Киров атындағы ұжымшардың Аманбай тогайындағы егіс бригадасының адамдары Берденбай Жолжанов қария мен Өтеулі Дәденов, сондай-ақ, тағы да Қадыр Жаулыбаев, Бөртебай Қазыбаев деген кіслер мамырдың сәске түсінде Ұялыға кетіп бара жатқан жолдарында Нұржанқора деп аталатын мекенде жау десанттарымен алғаш рет көзігеді. Онда шақырусыз келген қонақтар өздерін біресе “Ақтөбе облысынан келе жатыр едік, тунде құдық іздейміз деп, жолдан бұрылғанда автомәшинеміз құм қауып, журе алмай қалды”, – десе, енді бірде “Әскерден қашқан кіслерді іздел жүргендерміз”, деп жалтарады да, сол бойда “Бізді көрдік деп ешкімге айтпаңыздар”, – деп тағы өтінеді.

Осы арада бұл күнде тіптен сарғайған, бірақ тарих сабактарын көзге елестер мына бір айғакқа да назар аудара кеткен жөн. Ол жогарыда аталған Қазыбаев Бөртебайдың ресми орындарға берген түсініктемесінен алынды. “Автомат асынған, қызыл әскерше киінген үш адам алдымыздан шыға келді. Түнде машинамыз сынып қалды, кемектесіп жіберіндерші”, – деген сон сондарынан ердік. Жарты шакырымдай жүргенімізде тағы сондай үш кісі кездесті. Біреуінің капитан погоны бар, қалғандарында жок. Бірақ олар ештене сұрамады”.

Міне, мұның бәрі кездейсок жолаушылары жоқ тұз адамдары үшін құдік туғызбай қоймайды. Содан да болар, жогарыдағы Берденбай қария бастаған жолаушылар хабарын алғаш естіген жылқы фермасының басқарушысы Байшыған Бектұрлиев пен сиыр фермасының бригадирі Байжан Атағожиев әлігі жайларды түп-түгел ауылдық кеңес төрағасы Есен Құдайбергеновке жеткізеді.

Осы уақытта облыс пен ауданнан шыққан оперативтік топтар да белгіленген аймаққа келіп үлгерген еді. Олар әлтіндей түрлі хабарлар барысынан бұлардың тек қана жау жағының десанттары

екеніне шұбәсіз сенеді. Жау десанттарының Жем өзенінің жағасындағы Нұржанқора, Араптөбе мекендері мен Сарқасқа құдығы маңында жүргендіктеріне қанығады да алғашқы барлау жұмыстарын жүргізе бастайды. Ақыры 13 мамыр күні, ішінде біз әңгіме жасап отырған Б.Бектурлиев те бар К.К.Шармай бастаған топ бүлікші десанттарды Сарқасқа құдығы тұсында кезіктіреді. Қалың қамыс арасынан ұра қазып, ұрысқа әзірленген жау жағы құғыншы топты қол пулеметінен оқ жаудыра қарсы алады. Жерлестеріміз қарсыластардың құр қол, құрғақ сөзге беріле қоймайтынын сезеді, бірақ бағыттарын байқау ниетінде Байшығанды тілдесуге жұмсайды. Ондағы мақсат – елшілікке жүрген кария (сол кезде Байшыған елу сегіз жаста екен) оларға НКВД отрядының қарулы да мол екендігі, сондықтан еш қарсылықсыз берілуден басқа амалдың жоқтығын айтады да, егер дүшпандар берілсе, оларды қарусыздандырып, отрядқа алып келеді. Ал берілмеген жағдайда хабарын жеткізеді. Тіпті екеуіне де келіспей, елшінің өзін жібермей койса, ол қарсыластар тобы арасында жүріп, алауыздық отын тұтатады, іріткі туғызады. Сөйтіп олардың түпкі мақсаттарының күйреуіне жағдай жасайды.

Расында да күдік соны дәл келіп, диверсанттар онайлықпен беріле қоймайды. Агаев болса құғыншыларға өздері туралы хабарды жеткізген Байжан Атағожиев екенін біледі де, қалайда оның көзін құртуды ойлады. Өткені бейтаныс қонақтардың өздерін жергілікті жандардан бөлек ұстап “жасырынбақ” ойнауы шындығында да қырдағы қырағы бригадирді сезіктендірмей қоймаған. Соған орай оның осындай ойды ауылдық кенес төрағасына барып айтқаны да рас еді. Ал Агаев болса, сол ауылдағы әлде бір аузы жеңіл біреулер арқылы бүл хабарды естіп те алған-ды. Сондықтан ең әуелі Б.Атағожиевтің өзімен есеп айырысқанды жөн көрген топ жетекшісі Байшығанға да күдікпен қарап: “Сен шал ешқайда бармайсың бұлтақтасың, жазан – өлім ғана”, – деп наганын онтайлайды. Қапелімде не істерін білмей қалған Байшыған кария жандәрмен күйде кейінгілердің тапсырмасына сай қулыққа көшіп: “Інім, мені өлтіргеннен нең көбейіп, нең азаяр дейсің, одан да аз күн болса да қастарында жүріп, жол бастайын, осы араның бар жер жағдайы бес саусақтай қолымда”, – деп жылдырмалата бастайды.

Бұл ұсыныс Ағаевты ойлантып тастайды. Онсыз да асығып тұрған топ жетекшісі көп әріге бармай-ақ: “Ендеше қазір бізben бірге жүріп, жол бастайсын. Бірақ байқа, сәл күдіктенсем атамын да тастаймын, өз обалың өзіне, қазіргі бағытымыз – Алатау, Жем өзені бойы. Әйтсе де әуелі Атағожиевтердің үйіне баруымыз керек”, – дейді де желкесіне мылтық дүмін тақаған күйі елші шалды алдарына салады.

Бұлар жеткенде бригадир өз төрінде, ақар-шакар отбасымен кешкі шайларын жаңа ғана алдарына алған екен. Ағаев әп дегеннен үй иесін түрлі сауалдармен тығырыққа тіреп, қажетті жауаптар алуды қалайды. Бірақ бір кездегі қызыл әскер, құрметті бригадир онайлықпен қармаққа ілігे қоймайды. Салғыласып тұратын мезгіл аз, диверсантер Атағожиевтің екі қолын артына байлап, Алатау асады. Кетіп бара жатып, Байшыған ауыл әйелдерінің біріне: “НКВД отрядының қаперіне саларсындар!” – деп бағыттарын да айттып үлгереді.

Жұрт көзіне түспеу мақсатында тұнде жүріп, күндіз дамылдайтын бұлар көз ұшында көрінген мұнар тауға жету үшін екі күн бойы жортуылдайды. Жау жағының “Алатау” деп аласұруы – аталған аймаққа жетіп алса, біраз уақыт бой тасалап, амалдар еді де, содан соң қарап жатпай ел ішінде түрлі бүліншілік жұмыстарын жүргізу, нәтижесінде жергілікті халық арасында іріткі туғызу, қоғам болашағына сенімсіздік орнату, сондай-ақ осы өнірдегі тәулігіне 1300-1500 тонна “қара алтын” беріп тұрған кен орындарын істен шығару “Гурьев-Орск” мұнай құбыры мен “Қандагаш-Гурьев” темір жолын талқандау еді. Әу баста жергілікті жағдайды жақсы билетін Байшыған мен Байжанды осы мақсатта пайдаланғысы келген олар қос қарияны да біраз сілікпелеп көреді. Бірақ бұл екі “тұтқын” өз дегендерінен қайтпай, қаскөй топты қайткенде жаңылдырып, Алатауга жібермей, мүмкін болса құтыншылар қолына түсіруді ойлады. Мұны біліп қалған Ағаев ауылдан аулақта, өзге облыспен шекаралас Қаражар деген жерде еліне шұбәсіз берілген Байжан Атағожиевті атып кетеді.

Ал бар жұмыс тек жол бастау ғана емес, қарсыластар құрамында іріткі туғызуды көбірек ойлаған Байшыған болса, аптаға созылған азапты (диверсантер өздері үйықтағанда Байшығанды қашып кетпес үшін өре киізге орай, бастарына жастанып жатады екен)

жүрісте жау жағынан әр кеш сайын бірлеп, екілеп қашырып, ақыры тен жарысына дейін, ең соңында бесеуге дейін азаюына себеп болады. Мұның соңы шағын топтың Ақтөбе облысының Байганин ауданындағы “Теректі” ұжымшарының Құлақши ауылы тұсында (Бір қарағанда ол Ақтөбе облысының Байганин, Гурьев облысының Қызылқоға, Жылдың аудандырының қылышқан жері, жергілікті халықтың тілімен айтсак – Кенбай өнірі) қарулы топқа кезігүіне әкеп сокты. Бұл № 3 мұнай айдау құбырының бастығы Вениамин Алексеевич Пахоменко мен облыстық мемлекет қауыпсіздігі басқармасы оперативтік бөлімі бастығының орынбасары Константин Константинович Шармай жетекшілік еткен отрядтар еді.

Осынау диверсиялық десантты қөрген және оларды құртуға катысқан жандардың бірі, 2000 жылы дүние салған Атырау қаласының тұрғыны, милиция ардагері Ешмұқан Ескалиев. Ол К.Шармай бастаған отряд құрамында атталар бойы аталаған топтың ізін кесіп, ақыры № 3 мұнай құбыры тұсында кезіккендерін айтады.

Кездесу тарихы былай болғанға үқсайды. К.Шармай бастаған оперативтік топ № 3 құбыр басында ерте ме, кеш пе, Ағаев бастаған топ қалайда келеді деген сеніммен күтіп жатады да, Т.Декеев жетекшілік еткен екінші топ олардың ізін кеседі. Осы кезде құбыр басындағы Тасқұдық ауылының аз ғана малын далаға бағымға алып кеткен қария кешкілік қоналқаға қайтып оралғанда өзгеше жаңалық ала келеді. Ол – өрістен қызыл әскерше киінген екі солдатты көрүі еді. Солдаттар қарияға өздерінің Ағаев бастаған топтан қашып шыққандықтарын, бірінің осы арадағы Ораз деген қарияның баласы – Сәтмағамбет екендігін айттып: “Ауылды сағындық. Барайық десек үй маңында милициялардың жүргенін көріп, қорқып отырмыз. Айта барғайсыз, адалдығымызға сенсін, ешкімге зияннымыз жоқ. Мүмкіндіктері болса бүгін бізді осы арадан тұтқындал, алып кетсін”, – деп сәлем жолдайды.

Бұл хабар оперативтік топ адамдарының ойын сан сақта жүгіртеді. К.Шармай сияқты өзінен басқаға: “Әлдім” десе де сенбейтіндер: “Олар әдейі алдап отыр, казір біздің топ барғанда автоматтан оқ жаудырап, жусатып, қырып салады. Болмаса қарузыздандырып, оқ-дәрі, өскери, жұмыс күшімізді біледі”, –

деп жорамалдаса, жергілікті жартыкеш жандар: “Біреуі осы араның адамы болса да: “Балам, бармысың?” – деп дауыс сала жеткен шешесіне жексүрындық жасамас”, – деген пікір айтады.

Ақылдаса келе олар соңғы пікірге тоқтайды. Айтқанындай екеуде еш қарсылықсыз беріліп, бар жайды анық айтады. Бірі Батыс Қазақстан облысы, Ілбішін ауданының Макатаев деген қазагы да, екіншісі осы арада соғысқа дейін байланыс болімшесінде қызмет еткен, майдан даласындағы ұрыс кезінде қоршауда қалып, қолға түскен Сәтмағамбет Оразов екен.

Қолға түскен қос жігіт қарақшы топтың ұзын саны, азық-тұлік қоры, кару-жарактары туралы көптеген мәлімет бере отырып, сол түнгі айсыз қарангыда артық азық-тұліктері мен соғыс құралдарының Иманқарадағы үнгірде жатқанын дәл барлап, тауып береді. Олардың ішінде екі миномет, тоғыз автомат, жиырма бес граната, он тапанша, тоғыз винтовка, жиырма мың патрон, жеті мың сом ақша, басқа да заттар бар екен.

Мезгіл үшінші аптаға таялғанда облыстық мемлекет қауіпсіздігі басқармасының бастығы Иван Михайлович Гончаров пен Жылъыой аудандық болімінің бастығы Петр Лукич Кочин жандарына Сапаровты алып, ұшақпен жау жағының ізін кессе, Құлақши тұсындағы шатқалда жайылып жүрген бейтаныс екі ат пен бір түйені көреді. Сөйтсе аулактан дүрбі салған “Қонақтар” күбыр жанында әрлі-берлі жөңкілген милиция, әскери жауынгерлерді байқайды да, кас қарайып, қозғалыс саябыrlағанша шатқалдың көзге көрінбес терістік беткейлерінің біріне бой тасалап, тығылып отырғанды жөн санайды.

Көлденең көліктер шолғыншыларды бірден құдікке қалдырады. Сол бойда оперативтік топқа хабар жетіп, олар да аталған аймаққа қеліп үлгереді. Барлау барған сайын тиянақталып, ара қашықтық жақындағы түседі.

Үәде – арнайы тәртіп болмай оқ шығармау және диверсанттарды мүмкіндігінше тірілей қолға түсіру. Эйтсе де кейде жағдайдың ойлагандай оңала бермейтіні де бар ғой. Оның үстіне бұл “соғыстың” майдан даласына қараганда, біріншіден кездейсоқтығы, екіншіден, карабайырлығын да ескермеске болмайды. Бұл жолы да солай. Оған себеп – өз әріптермestеріміз болды, – дейді Ешекен – Әлтіндей бүйрық бола тұрса да қапелімде

абыржып қалған жолдастарымыздың бірі қарсыластарға қарай граната лактырады. Бірак бұрын-соңды мұндай үрystы басынан өткермеген ол асып-сасып жүргенде жарылғыштың тұтану сакинасын жұлып алмаған екен, соған сай мақсат жүзеге аспады. Осының бәрін байқап түрган Ағаев әлгі гранатаны жерге түскен бойда көтере сап, біздің қателігімізді түзеткен күйі өзімізге қарсылайтын жағымызды жарылды. Дәл осы кезде қарсыластарымыз бізге қарсы оқ жаудыра, уралап тұра келсін. Амал жок, біз де үрystы бастадық. Қашан да көптің аты көп, жігіттеріміз ықтырып-ак бара жатқан сияқты. Қарсыластар енді бой тасалағанды жөн көрді. Бірак алғашқы қарбаласта-ак үшеуі оққа үшты, артынша тағы екеуі жер жастанды. Сөйтіп бесеуі де опат болды.

Кейіннен осы бір қыын-қыстау сәтті еске алған Байшыған ақсақал болса: “Жау жағы әуедегі жер бауырлай үшқан кездейсок үшақты көрүі мүн екен, өздеріне тықыр таянғанын сезе қойып, мені сол бойда-ак үйреншікті киізіме орап тастанды. Бірақ ілкі сәттердегі опыр-топыр қозғалыс, қобалжу кезінде біреуінің аяғы тиіп кетсе керек, мен ылдига қарай домалап кеттім де тарқатылған киіз құрсаудан босанып та үлгердім. Үшып тұра айналаға көз салсам, алғашқы минётте-ак алымды жігіттерінің бірінен айырылған Ағаев екінші бір қаруласын қол пулеметімен өлік жанына қалдыра сап, өздері сай бойлап қашып барады екен. Мен де келесі сайда жайылып жүрген көліктерді көре сап, солай қара тұра жүгірдім. Мұнымды байқап қалған Ағаев: “Әй, шал, қайда қашып барасың?” – деген күйі автоматын маған қарай кезей қалсын. Сол кезде аузыма қалай түскенін қайдам, әйтеуір: “Сіздерге тездетіп көлік жеткізейін деп...” – деген әлде бір алдамшы сөздің келе кеткені бар емес пе?

Бұнымды шындыққа жорыған ол: “Е, дұрыс бопты, біз жүгіре берейік, сен артымыздан қуып жетерсің” – деп одан әрмен қаша берді. Ал мен болсам, тақымыма марқұм Атағожиевтің торы аты түскен бойда осы маңдағы мұнай айдау құбырына қарай шоқыта жөнелдім. Бұл кезде өз еркімен берілмеген бөгде мінезділерде түп-түгел жер жастанып үлгерген еді, – дейді екен.

Иә, сөйтіп үш аптаға жуық адамдардың мазасын алып, бүкіл үш облысты дүрбеленге салған диверсиялық топ құрыды. Онда

корсетілген әрбір ерлік, соның ішінде туған елі, Отанның амандығы үшін өмірін қиған Байжан Атағожиев пен әр сагат, минет сайын жаңын шуберекке түйіп, ақыры адалдық жалауын желбіретken Байшыған Бектұрлиевтің ерліктері қалай мактап, марапаттауға да лайық. Олар қашан да үрпактар есінде мәнгі жаңғырып, жасарып отырары жак.

Осы күні “Жаңа таң” акционерлік қоғамының алыс мал жайылымында, яғни анау бір жылғы қанды Қаражарда Байжан Атағожиевке арналып, ескерткіш белгі орнатылды. Аға ерлігі әркез еске алынып, жас үрпак алдында жырдай сөз болады.. Ал Байшыған ағамыз болса, өзінің кіндік кесіп, кір жуған Ұялы жерінде мүмкіндігінше мандайынан тер сорғалап, еңбек етті. Кейіннен құрметті демалысқа шығып, 1970 жылы 84 жасында дүние салды.

\* \* \*

Әңгімемізді осымен аяқтауға да болар еді, бірақ оқырман конілінде Байжан мен Байшыған, Ағаев пен Оразовтар жөнінде, олардың кейбірінің кейінгі тағдыры, үрпактары туралы әлде де түрлі сұрақтар туындағы маңайынан тер сорғалап, еңбек етті де кеперге сала кеткенді жөн көрдік.

Алдымен Атағожиев жөнінде. Байжан бауырларының бәрі де бұл күнде сол өзі туып-өсken Ұялы маңы, Аккізтогай селосында тұрады, шаруашылық саласында түрлі қызметтер атқарады.

Бектұрлиев Байшыған үрпактары да баршылық. Біразы Атырау, кейбірі Маңыстау, Батыс Қазақстан облыстарында тұрады.

Ал әлгі Ағаев (Тілеумағамбетов) болса, Атырау облысының Жылжы өнірінде туып-өсken. Мамандығы агроном. Бес ағайынды болған. Үлкені – Сембай. Ол – колхозшы, соғыстан бұрын қайтыс болған. Екіншісі Шайғыр, ол да өндіріс саласында еңбек еткен, сексенінші жылдардың бел ортасында дүние салды. Үшіншісі – Әмірханның өзі және Шәрбан мен Нәжімеден, олар да қазір жок. Бірақ бәрінен де үрім-бұтақ бар, Құлсарыда, Макат, Доссор, Балықшы поселкелері мен Атырау қаласында тұрады. Біз олардың кейбірімен кездесіп, талай рет әңгімелестік. Сонда олар Әмірханның әуелден қиянатқа көнбейтін, не айтса да маймөңкесі жок, тіке сойлейтін, бір қарағанда үлтжанды, социализм, қызыл коммунистерге

жан дүниесімен қарсы, жоғарыдағыдан теріс пиғылдағы әрекеттері де тек осындай жеке пікірден туғандығын айтады.

Оның бұл іс-қимылдары кейіннен елдегі тұма-туыстарының бейбіт, тыныш өмір суруіне кесел келтірген. “Қайда барсақ та алдымыздан: “Сендер қогам жауының ағайынысындар”, деген қоқан-локыға толы үрей сөз шығып, небір қолайлыш жұмыстардан күйлдік та отырдық. “Мысалы, мен бұл ауылға 1944 жылы келін болып түскенмін. Жолдасым – Нәжімеден ол кезде Доссорда аудандық істер бөлімінде милиционер болатын. Амал не аталған диверсиядан соң, бәрінен де күйлді. Көшеге шықсақ көзтүрткі, жеккөрінішті болдық та журдік. Ақыры күйеуім осы қинаятқа шыдай алмай 1946 жылдың жазында дүние салды”, – деп еске алады осы күні Балықшы поселкесінде тұратын Зеріп апай.

Расында да осы күні жасы 80-ге тақап, жақсылық пен жамандықтың талайын көзben көрген өжейдің бұл сезінде еш коспа жоқекені белгілі. Бірақ Әлихан ойының түп теркінінде ағайындарға деген қиястықтың жоқтығы, бар-жогы туған халқына деген төүелдсіздік, егемендік жолындағы алып-ұшпа сезім отының бары анық. Дегенмен, осындай өу бастағы игі максаттардың уақыт өте өз кандастарына қуаныш емес, қайғы, ауыз тұшытар бал емес, сор болғаны қандай өкінішті. Осындайда ойымызға халқымыздың: “Ойламаған от басады”, – деген даналық сөзі оралады. Шіркін, бәрін де он өлшеп, бір пішкенге не жетсін.

Келесі кезекте Сәтмағамбет Оразов болса, ол Тасқұдықтағы Ораз Есенғалиев деген кісінің ұлы. Қарияның өзі 1986 жылы дүние салды. Қарағұл атты інісі әлі күнге сол Тасқұдықта тұрады. Сайып келгенде, Сәтмағамбеттің де санасында сартаптанған дүшпандық емес, есесіне қайткенде тыныш жатқан туған жер төсіне жету, ата-анасының қасында баяғы бала, сәбидей пәк күйінде күн кешу ниетінің жатқаны анық.

Сәтмағамбет үйленбеген, өкінішке қарай оның сол 1944 жылдан кейінгі тағдыры бізге белгісіз. Бірақ білетіндер болуы мүмкін. Ондай жандар болса бізben хабарласып жатса тіптен құба-құп.

Жоғарыда әңгімелегеніміздей, милиция ардагері Ешмұқан Ескалиев Атырау қаласында 2000 жылдың орта шеніне дейін өмір сүрді. Бұл күнде Доссор поселкесінде тұратын Илияс Қаржаубаев, басқа да онның үстінде жігіт бол, аталған оқиғаны басуға, кейіннен

Қызылқоға ауданындағы Сарқөл маңына түскен жау десанттарын ұстaugа қатысқан. Осы еңбектері үшін республика Жоғарғы Кенесінің Құрмет Грамотасын иеленген.

Ешмұқан аға сол бір тынымсыз түндер мен күндерді еске ала отырып: “Саттаров (жағарыдағы диверсанттардың бірі) маған: “Бәріміз де азаматтың ғой, өмірде не болмайды. Қателесу де, қуанышты сәттер де аз болмас. Міне, мен де сондай шактарды өз басымнан өткізу демін. Сен азаматтық жасап, мына хатты Балқаштағы қалалық партия комитетінде хатшы боп істейтін карындастыма салып жіберерсін. Қыз бала ғой, ағасының амандығын білсін. Ішінде: “Аман-саяу, тірімін”, – деген екі сөзден басқа ештеңе жок, – деп қолыма соңғы аманатын ұсынып еді. Бірақ мен ол аманатты орындаі алмадым. Өйткені желкемізден көзін сүзіп, басқан ізінді андыған өзге жандардан қаймықтым. Бөріге де жан керек деген емес пе, жақсылық жасаймын деп жүріп, өзім де солардың кебін кисем қайтемін деп сессендім. Бірақ оның: “Бәріміз де азаматтың ғой, басымыздан не өтпейді, бір жақсылығында жаса. Қыз бала тілеңкіші ғой. Ол да менің тірі, не өлі екенімді білмей, қамығып жүрген шығар”, – деген жалынышты сөзі өлі күнге құлағымнан кетпейді. Азамат боп, аманатты орындаі алмағаным ақінемін”, – деуші еді.

Сайып келгенде, сол бір ой бізді де мазалайды. Ие, ол да сын сағат, біреуді біреу баққаны да рас, ол үшін ешкімді де кінәлай алмайсың, өр заманың өз сүрқылтай болады емес пе!?

Міне, біз тұрган үнгірге байланысты осындай да оқиға болған. Оны бүгінгі үрпактың бірі білсе, екіншісі білмейді. Бір сәт оны да еске ала отырғанды жөн көрдік.

\* \* \*

Иманқара етегіндегі осы үнгірден суыртпақталып сәскелікке сарнаған жол шығады. Ол сізді текті табиғаттың өзі бейне фарфордан құйып, сомдай салған сұлу галерея-борталарға алып келеді. Борталарды тамашалау – ғажап-ак. Әсіресе, күзгі күннің кешкі шапағында назар салсаныз, сол бір сұлу суреттерден көз айыру тіпті де мүмкін емес. Аяқ астындағы теңіз кірпісінен аумай қалған ашы шөптер әлгі әдемілікті одан бетер әсерлендіріп, сізді мұлде өзге әлемге алып кетеді. Асылында,

F. СЛАНОВ АТЫНДАҒЫ  
ОБЛЫСТЫҚ ФЫЛЫМИ  
ӘМБЕБАП КІТАПХАНА

бұл жер өткен уақыттарда теңіз түбі болса керек. Тарихта айтылатын бір кездердегі Орал тауларына дейін созылған әйгілі Тетис мұхиты мен кейіннен шалғайын жиып алған Қаспий теңізінің тірі дәлелі осы бор таулары-ау дейміз біз.

Сөйтіп шыңдары көк тіреп, бастарын бұлт шалмаса да, шалқайып жатып, бар сырды ішке бүккен Иманқара мен Қойқара артта қалды. Одан әрі Қайнар, шығысында Жұбан тамы, күнгейінде Дүйсеке күмбезі бар. Бұлардың қай-қайсысы да тұнған тарих, тубегейлі сыр.

Мысалы, 1974 жылдан республикалық есептегі сәулетті ескерткіш ретінде мемлекеттік қорғауға алынған құмбезінің биіктігі 7,7 метр, ішкі кеңдігі 5,8 x 6,65 метр Жұбан тамын XIX ғасырдың аяғында Адайдың Қараш, Ескелді аталығының Нұғыман ұста бастаған талғамы биік, сергек сезімді онға тарта сәулетшісі салыпты. Қариялардың баяндауына қарағанда бұл құмбезді салуға 20 мың теңге акша, 10 жылқы, 122 қой, 1 пүт шай, 15 пүт қант жұмсалған көрінеді. Сайып келгенде оку-токуы жоқ далалық данышпандардың осындай еш шеге, тіреусіз бой көтерген ғажайып ғимараттары еріксіз таңдай қақтырады.

Қайнар бойы, мынау Аққиізтогай, одан әрі Жемді жағалап, Үстіртке ассаң 150-200 жыл бұрынғы талай асылдарға берілген астар, ондағы жүздеп тігілген киіз үй, кубілеп пісілген қымыз, табақтап жеткізілген сыбаға, шашасына шаң тимеген шабыс аттары мен таңдайына бұлбұл қондырған әнші-акындар, билер мен шешендер, оларға тартылған тайтұқтар мен күміс тенгелер еске оралар еді. Асылы, ата салтын ауызға алып, өткеннен ой өрбіткен қазіргі кезеңде осы күнгі ас беру мен өткенгі ата-баба салтындағы үрдістің айырмасы, онын мәні мен ерекшелігі, міне, осы турасында да аз-мұз айта кеткен жөн сияқты. Өйткені түрлі әдебиеттер мен басылымдарда тек еске алу тойы сияқты болып кеткен қазіргі ас берулердің әу бастағы мән-мағынасы жәйлі өте сарап және салғырт жазылады.

## АС БЕРУ – АТА ДӘСТҮРІ

Халқымызда көне дәуірден бері келе жаткан ежелгі ғұрыптардың бірі – ас беру. Ол дүниеден өткен адамдарды еске түсірге арналған салт. Егер ас берудің саяси-әлеуметтік астарына мән берсек, ол, алдымен, шығысы мен батысына ұшқан құстың қанаты, жүгірген аңының аяғы талатын айшылық алыс аймақты алып жаткан қарға тамырлы казақ елінің өзара достығы мен бірлігін жыл өткен сайын жақындата тұсу, әр әулет, өнірдің салт-дәстүрін өзгелерге паш ету, кала берді қаза аркалаған ауыл-аймақ, тегіренің бастарына түскен ауыртпалығына өзгелердің ортақтасып, олардың қайғы-мұнын бөлісу, дүниеден озған иғи жақсының өнегелі тұстарын ескеру арқылы оны кейінгі үрпакқа үлгі ету, елге деген құрмет үрдісінен туған иғілікті іс екені сөзсіз. Тоқырау заманында қаншама адам “әкесіне ас берген” деген желеумен жазаланып, “кері тартпа”, “діншіл” атанды. Солай десек те ас беру үрдісі әлі күнге өз мәнін жоя қойған жок. Бірақ атын өзгертіп, көп жағдайда жалқыдан жалпыға ауыстырып, мемлекеттік деңгейде атап өту үрдісіне көштік. Мәселен, жеке жағдайда “бәленшекенің жылы”, “еске алу күні”, “мушелді мерей тойлары”, көпше түрде “100”, “125 жылдық”, тағысын-тағы деп жаңаша айдар тағып, атаймыз, тойлаймыз. Былайша айтқанда бұл аты өзгерсе де заты қалған, яғни өркениетті елдерден алған, бұрынғы бар нәрсемізге таңған жаңа атауымыз.

Дәстурде ас көбіне – көп кезінде еліне елеулі, халқына қалаулы, көп жағдайда жасы үлғайып барып қайтыс болған ер адамға арналып берілген. Яғни бұл өлген кісінің артын күту салтының қалың қауымға арналған, қайғыдан гөрі салтанаты басым соңғы рәсімі. Осыған сай мұндайда ас берудің соңы жақсы мағынасындағы, кейінгі үрпактың бақытты, шат-шадыман өмір сүруі үшін деген тілекпен шын мәніндегі үлкен тойға ұласып, айтулы аламан бәйгелер өткізіліп, қоқпар тартылған. Алтынқабактар ойналып, (палаудар белдесіп, ақындар айттықсан. Бірақ кейде сирек те болса, әйел адамдарға да ас берілген. Ондай жағдайда жоғарыдағыдай ойын-сауыктар өткізілмей, тек ас арналған адамның қадір-қасиеті ғана еске алынып, ұлығыланған.

Халық арасында ас берудің өзіндік ерекшеліктері бар. Мысалы, қай уақытта да ас беру жиыны дүйім жұрт, қалың елге күні бұрын, ай, тіпті бір жыл бұрын хабарланып, сауын айттылады. Міне, мұнын өзі әзірлік, бұдан әрі ас беруші қауым алдын ала ел ағалары үлкендер болып, бас қосып, ақылдасқан. Онда ас қайда, қашан беріледі? Кімдер шақырылып, қанша қаражат жұмсалады. Сойыс малы, тігілетін киіз үй, өткізілетін ұлттық ойын түрлері, сайыстар, оған берілетін байрақтар түрі анықталып, белгіленген. Соған сай қай өнірден келген қонақ, қай үйге түседі, оларды кімдер күтетіні, асты басқаратын кім, бәрі-бәрі күні бұрын анықталып отырылған. Мұндайда ас беру кезінде, бұрындары кейбір өкпе-назы ұлғайып, дүрді аразы қөбейген ағайын, ру арасындағы киқілжіндер де жуылып-шайылып, өзара келісімге келтірілп отырылған. Бұл да ас берудің тәрбиелік мәнінің бірі болып есептелсе керек.

Сан ғасырлар бойы қалыптасқан, халықтың қанымен біте қайнасқан береке-бірлік үйткисы болып табылатын ас беру дәстүрі тек бір өнір, аймақ емес, күллі қазак халқына тән. Республика шеңбері емес, шет елдердегі бауырларымыз да бұл істі еш уақытта ұмытпаган. Мәселен, Монголияда 1926 жылы ірі бай Молыбайдың Бурылбайына ас берілгенде, керейдің 12 баласына бір жыл бұрын сауын айттылып, ас он күнге созылған.

Ас беру рәсімі басталар алдында байдың екі қара жорғасын алтын, күміспен әшекейлекен ер-тоқымы және өзі тірі кезінде киіп жүрген киімдерімен тұлдап, ірі молдаларға құран оқыттыру арқылы жаратылған.

Ас беру кезінде күніне 200 қой, 80 жылқы сойылып, 300 сауын бие байланған, 200 қызы-жігіт, келіншек қызмет еткен. Бурылбайды жоқтап, дауыс қылуға 150 әйел катысып, аста 480 жүйрек бәйгеге катысқан. 200 палуан күресіп, қонақтарға 80 жорғамен тамак жеткізіліпти. Бәйгеде 450 атқа байрак, бірінші орынға екі жамбы (бір жамбы 50 қойға тең), 2 ат, 8 өгіз, ал ең соңғы орынға 5 тайынша берілген.

Домбыраның бас жүлдегері бір жүйрік ат, қалғандары тай, шапанмен ұлығыланған.

Соңғы кезде кейбір мерзімдік басылымдарда халқымыздың ас беру ғұрпы және оны бүгінгі өмірімізге жаңа қырынан енгізу туралы жиірек жазылып жүр. Бұл дұрыс та болар. Осы арада аталмыш

ғұрыптың бір кезде біздің өнірімізде де өткізіліп тұрғанын ұмытпауымыз керек. Соның біразы қазіргі Ойыл өнірі, Сағыз, Мұқыр, Жылыой аймағында болғанға ұксайды. Көрі құлақ абыздар аузынан естіп, түрлі басылым беттерінен оқығандарымызды жинақтап, жүртшылық назарына ұсынғанды жөн көрдік. Өйткені халқымыздың ас беру рәсімі жәйлі көптеген адамдар біле бермеуі анық. Сондыктан оны үлкендер жағы еске алып, жастар жадында сақтағаны дұрыс-аудеп ойлаймыз.

Откен кезенде өнірімізде ас берудің ірілі-ұсақты саны көп болған. Соларды кезең-кезенге бөліп қарағанда 1750-1850 жж. аралығында Манқыстаудың ойын ескерменде тек Үстірт, Жем, Сағыз, Көкжар бойының өзінде тенденсі жоқ тоғыз ас берілгенге ұксайды. Олай деп боле-жара қараудың басты себебі, әлгі астардың әр қайсысында 750-ден 1000-га дейін үй тігіліп, күллі Кіші Жұз өніріне сауын айтылған. Атап айтқанда Жем бойындағы Аққиізтогай түлейінде 1756 жылы Жаңайұлы Қожаназарға арналып берілген асты әлі күнге алдияр қарттар ұмытпайды. Қожаназардың жеті баласы болған екен. Аталмыш асты ортаныш ұлы Таған басқарып, оған Кіші жұз ханы Нұралы да шақырылады. Бір ерекшелігі – хан күймесі тоқтаган жерден ол демалатын үйге дейінгі аралық, киіз үйдің іші-сырты, коленқелеріне де ақ киіз төселіп, жабылған. Асқа бір мың ағаш үй тігіліп, 2 мың қой сойылған. Бес жұз ат шапқан аламан бәйгенің бас жүлдесі – жұз жылқы болса, оны баласы Шонтының көк биесі иемденіпті. Кейіннен бұл түлей жоғардағыдан мол және бір өнді төсеніштің құрметіне есте қалып, Аққиізтогай аталаған кеткен.

Екіншісі – Оймауытта Мұналдың Шоғы Қарабасқа берілген ас. Ондағы аламан бәйгенің бас жүлдесіне 50 түйе, 250 қой тігіліп, байрақты табын ағайындар иемденіпті деседі. Ал Қарақұмның Азнағұл деген жерінде Ақботаұлы Қозыбайға арналып берілген үшінші аста қанша мал сойылып, үй тігілгені, болмаса мүше үlestіріліп, байрақ берілгені дәл айтылмайды. Бірақ халық аузындағы:

*Ауылдың ақсақалы бай Төлеген,*

*Ауылы ерте көшіп, кеш жөнеген.*

*Ағасы Қозыбайға ас бергенде,*

*Конақты ат пен майға бес бөлеген, – деген өлең жолдарына қарағанда осал болмаган сынды. Ас берген баласы – Аман көрінеді.*

Төртінші ас Байұлына қарасты елдің нақ ортасы деп Мұқырда Сүйінқара Үргешбайұлына арналып беріледі. Онда 900 үй тігіліп, үй басына малдан басқа бір-бір саба қымыз, шубат үlestіріліп, оны батырдың ұлы Жалантөс Көтібар басқарғанға үқсайды. Бас бәйгеге тігілген үш жұз қойды өз тумаласы Кенбайдың күрен аты алып, ол ошақ басына қалады.

Матай Жамбозұлына арналып Сағыз бойындағы Терісақанда берілген асқа Әлім мен Табын, Байұлы мен Жетіру баласы түгел шакырылып, шамамен 900 үй тігілген. Хорезмнен күріш пен өрік, басқа да көзі аз дәмдер алдырылып, үй басына бір шелектен үlestірілген, қозы қарын сары май таратылған. Бас бәйгеге бір өнді 50 айыр түйе тігіледі де оны Матайдың кәрі әкесі Бокқарамен күда Кете Әжібайдың ала аты иемденеді. Бәйге сый ошақ басында қалады.

Барак Дөң баласына берілген астың да өз ерекшеліктері бар. Өйткені Барап кезінде әлді адам болып, бірақ кейіннен малы жұтқа үшыраганда бар болғаны үш мың жылкысы қалыпты. Олардың түсі өңкей көкала екен. Бәйгіге екі жұз жылқы тігіліп, байрақты інісі Райдың Қырқарту деп аталатын аты иемденіпті. Ат сол кезде 17 жаста екен. Жасынан тентектеу өскен Рай ағайындарының айтқанына көнбей алты көштік бәйге төрінің бел ортасына үй тіктіріп, бәйге атын күтіп алады. Бұл кезде Қырқарту өзге бір сәйгүлікпен үзенгі қағыстырып, әбден болдырып келеді екен. Рай оздырам деп ат қосып, жетектейді. Сөйтіп, мәрені де алғаш бол кеседі. Амал не, әбден қарттығы жеткен сәйгүлік сол жерде өкпесі өшіп, жантәсілім болыпты.

Будан әрі Сағыз бойында тағы да екі ас беріледі. Оның бірі Наршөккенде Бекболат Құдайбергенұлына арналса, екіншісі Қайнарда Таstemір Назар баласына беріледі. Артынан 16 үл өрбіген Бекболат асында әр бес үйге қонақ асынан басқа бір-бірден ту бие үlestіріліп, бәйгени Жарыпшиққан бойындағы Ысық ағайындар иемденген. Ал Таstemірге арналған екінші аста бір мың киіз тігіліп, сойыстық үстіне үй басына бір пүт ақ ұн, бір қозы қарын сары май берілген. Инісі Шотан батырдың шұбар аты бәйгеге тігілген 100 түйені иемденіп, байрақ ошақ басынан аспаған.

Тоғызыншы ас Шанқалада атақты шешен Сейіт Есенұлына арналып берілген.

1850-1900 жж. аралығында аталған өнірде ұзын саны 500-300 үй тігіліп, 12 ас берілген. Солардың біразы Сағыз бойында аталағы өткен. Аққұдьықта Боран Есенгелдіұлына арналып берілген ас бәрінен де ірісі деп есептеледі. Онда бас бәйгеге 500 сом күміс акша, бір ат, бір нар тігілген жұлдені Жанайдың әйгілі атбекісі Барахаттың (біреулер Фархат деп те атайды) көк байталы иемденеді. Осы аста Боранның інісі Төлек Барахатқа:

Ас қайда Барахатқа той болмаса,  
Торы аттай жұз қойға алған сый болмаса.  
Бәйге алу кез-келгенге қыын сауда,  
Корада мыңнан-мыңнан кой болмаса, – деп ғайбаттайды.

Бірақ Барахаттың көк байталы мәре сзығын бірінші боп кескенде, жалған айтқан тілімнің айыбы деп астындағы құла қасқа атын күміс ер тұрманымен Барахатқа міңгізіпті деседі. Қайнар бойында Досжан Қыдыршаұлына берілген астың да айтар сырды мол. Досжан баласы Есіркеп арқа бойына көше бермей Үстірттің ойын қоныс еткен байырғы түтіннің бірі болса керек. Бірақ өкесіне ас беру ниетінде Кіші жұздің кіндігі – Сағыз бойына барғанды жөн көреді. Бірақ асқа сауын айту бар болғаны бір ай бұрын хабарланса да бәйгеге тігілген байрак та, қатысқан халық та мол болса керек. Қайнар бойында сол мекен өлі күнге Досжан ошак деп аталағын көрінеді.

Ал Қосай ауыланың Жем бойында Жұбан Еламанұлына берген асында (Осы күнгі мемлекет қарауындағы Жұбан тамы дәл сол кезде салынған) 400 үй тігіліп, аламан бәйгенің жүлдегеріне 50 жылқы байланған. Байракты Кете Дауылбайдың аты алған. Ол осы Жем бойындағы Сарниязда Қаржау ауылының Куандық Амандықұлына, Қайнарда Есен Бозайұлына, Қарақұмдағы Азнагулде, Жолболды Конысбайұлына берілген астарды айтар болсақ, бұлардың да есте қалар ерекшеліктері болған. Әсіреле аламан бәйгеге 200 сек байлаған соңғы рәсімде бұған дейін сөз еткен Сүйінғара ұлы Қөтібардың торы аты басқа аттардан оқ бойы бұрын келіп, қарақшыны бір айналды дейді. Сонда көрермен қауым “Мына атқа бүгін қанат біткен шығар, не деген пырақ еді”, – деп жағаларын ұстаған. Мындағы астар өткен уақытта Манғыстау өнірінде көп берілген.